



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

43. Dolores morbi sui recordatione Christi Passi, ac Crucifixi mitigat,
Antonius Gaudier, Gallus.

Nutzungsbedingungen

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)

confessus, quàm ad faciendum Sacrum accederet. Sumptis in Sacro Sacramentis paralyti membra luxari præsenscens, socium admonuit, à quo substratae humi culcitrae raptim impositus est. Domum paulò post relatus, sacro poposcit oleo inungi, atque inter illustria pietatis, & humilitatis exempla arque argumenta, sanctam egit animam, Bruxellis die VIII. Martij. Anno salutis M.DC.XXIII. ætatis LXX. Religionis XLIII.

Litt. Flandro-Belg. Antonius de Balinghem in Kalendario Mariano, Mart. 8. Ioan. Rhod. lib. 3. hist. Exempl. cap. 1. B.S.

III.

AMATOR CRUCIFIXI

Dolores morbi sui, recordatione Christi Passi ac Crucifixi mitigat.

43.
ANTONIUS
GAVDIER
Gallus.

ANTONIUS GAVDIER Gallus, qui de Sanctissimâ CHRISTI IESV, DEI & Hominis amore; nec non de verâ CHRISTI IESV, DEI & Hominis imitatione scripsit egregiè, vir fuit multæ orationis & mortificationis: in discernendis spiritibus acutus, in dijudicandis animi motibus sagax, in detegendis Dæmonis fraudibus solers & perspicax, in omnibus hominis religiosi officijs strenuus ac diligens: disciplinæ tenax, Regularum amans, instituti constans exactor,

IMITATRIX CRUCIFIXI. 77

actor, observator, & propugnator.

Hic in extremâ suâ ægritudine peracutos dolores, quibus conflictabatur, assiduâ CHRISTI CRUCIFIXI Servatoris, & tenerrimo in sanctissimam ejus Humanitatem affectu leniebat. Prædie quàm obiit, socijs circumfusus verba fecit pietatis plenissima: & Sacramentis munitus ad Amatum suum AMATOR CRUCIFIXI præclarus, ut spes est, migravit. Anno partæ per CRUCEM salutis M.DC.XXII.

Litt. ann. & B. Societ. Elog. v.

IV.

AMATOR CRUCIFIXI

Morte appropinquante Crucifixi effigiem precibus & osculis continuo veneratur.

VINCENTIVS REGIVS, Siculus, vir egregiè doctus, nec minus sanctimoniâ clarus. Candor animi eximius, sincera in omnes caritas, insignis sui despicientia, & ceterarum exempla virtutum auctoritatem illi apud omnes conciliabant. Is dulcissimo pietatis sensu, ac præcipuè tenerrime in Beatissimam Virginem amore, quasi exundans, facillimè aliorum quoque animos eodem igne inflammabat. Idem fecisse æstu, quo flagrabat erga CRUCIFIXVM non dubito.

447
VINCENTIVS REGIVS Siculus.